


女
科
輯
要

史記
精輯

史記
兩卷

女科輯要

附妊娠藥禁



印刷品

敬

寄

堯封沈氏所著醫經讀傷寒論讀簡明切當穴爲善
本尚有女科輯要一書世罕傳本原稿爲余外舅徐
虹橋先生補注珍藏先生早歸道山余受室後得見
其書頗多入理深談發前人所未發者今年楊素園
明府聞有此稿命爲借鈔余謂婦兄文珊曰君子之
孝也亦務其大者遠者而已寶守遺編莫若傳諸不
朽友珊許焉爰不揣鄙俚稍加參訂而公諸世云
道光庚戌仲冬棘人王士雄書于潛齋

女科輯要目次

卷上

經水

崩漏

帶下

求子

受胎

辨胎

妊娠諸病

附妊娠藥禁

附泰西諸說

卷下

產

產後諸病

乳證

雜病

諸方

女科輯要卷上

瑁王士維孟英參

沈堯封先生輯

錢塘後學徐政杰藹暉補注

男之藩友珊校

經水

素問女子七歲腎氣盛齒更髮長二七而天癸至任脈通太衝脈盛月事以時下

沈按天癸是女精由任脈而來月事是經血由大衝而來經言二七而天癸至緣任脈通斯時大衝脈盛月事亦以時下一順言之一逆言之耳故月

雄以天癸
即精者此
說也男
子十六而
陽氣生女
子十四而
陰氣黃

事不調不來及崩是血病咎在衝脈衝脈隸陽明
帶下是精病咎在任脈任脈隸少陰蓋身前中央
一條是任脈背後脊裡一條是督脈皆起於前後
兩陰之交會陰穴難經明晰靈素傳誤帶脈起于
季脇似束帶狀人精藏於腎腎繫於腰背精欲下
泄必由帶脈而前然後從任脈而下故經言任脈
爲病女子帶下

雄按俞東扶云經言男子二八而腎氣盛天癸至
精氣溢瀉若天癸卽月水丈夫有之乎蓋男女皆
有精易謂男女構精可據然指天癸爲精亦不妥

漢者血也陽
者氣也男以
氣為主女以
血為主血
滿則溢月
事以時下
甫謂精可
援精乃血
液混於一身
乃氣之所
生血之所
化猶樹之
有葉耳所
謂之神是
矣九神不
足男子則
精枯衰女
子則經不
調

天癸爲精不當又云精氣溢瀉矣。後賢講受孕之
道。有陽精陰血先至後衝等說。亦謬。夫男女交接
曾見女人有血出耶。交接出血是病。豈能裹精及
爲精所裹哉。大約兩精歡暢。百脈齊到。天癸與男
女之精偕至。斯入任脈而成胎耳。男胎女胎。則由
夫婦之天癸有強弱盈虛之不同也。吾友徐亞枝
云。如沈氏說。一若天癸卽精者。如俞氏說。一若血
與精之外。別有一物。所謂天癸者。竊謂天癸者。指
腎水本體而言。癸者水也。腎爲水臟。天一生水。故
謂腎水爲天癸。至謂至極也。猶言足也。女子二七。

男子二八腎氣始盛而腎水乃足。蓋人身五臟屬
王行。惟腎生最先而腎足最遲。腎衰最早。故孩提
能悲能喜能怒能思而絕無慾念。其有情竇早開
者。亦在腎氣將盛。天癸將至之年。可見腎氣未盛。
癸水未足。則不生慾念也。迨腎氣衰。癸水絕。則慾
念自除矣。解此段經文者。當云女子必二七而腎
水之本體充足。任脈乃通。太衝之脈始盛。月事因
而時下矣。夫前陰二竅。溺之由水竅者。無論矣。其
由精竅者。皆原于天癸者也。月水雖從衝軋下。謂
爲天癸之常可也。洩精成孕。是任脈之施受。謂爲

天癸之能可也。帶下乃任脈之失擔任。謂爲天癸之病可也。然則稱月水爲天癸。似亦無不可也。前賢解此皆重讀上二字而略下一字。惟將至字當作來字看。遂至議論紛紜耳。

王冰曰。男以氣運。故陽氣應日而一舉。女以血滿。故陰血從月而一下。

月事不調

素問。天地溫和。則經水安靜。天寒地凍。則經水凝泣。天暑地熱。則經水沸溢。卒風暴起。則經水波湧而隴起。

子
大癸既至
則為陰疾
須男子之
陽氣合造
化之生發
自然也不
調即所謂
陰陽不和
甚則上
有血枯者
然亦有
調有不調
可以
概論

褚澄曰

女子天癸既至，踰十年無男子合，則不調。未

踰十年

無男子合，亦不調。不調則舊血不出，新血誤

行或漬

而入骨，或變而為腫，或雖合而難子。合多則

懸枯虛

入產乳眾，則血枯殺人。

雄按

此論甚不盡然。存其意可也。惟產乳眾而血

枯，孕

死者頗多。然吾鄉吳醞香大令徐夫人，半產

三次

不計外，凡生十男四女，竝已長成。而夫人年

踰五

旬，精力不衰，猶能操家政而撫馭羣下也。

方約之云

婦人不得自專，每多忿怒，氣結則血亦結。

雄按

此至言也。氣為血帥，故調經必先理氣。然理

氣不可徒以香燥也。蓋鬱怒爲情志之火。頻服香燥。則營陰愈耗矣。

趙養葵云。經水不及期而來者。有火也。宜六味丸。水如不及期而來多者。加白芍。柴胡。海螵蛸。如半月或十日而來。且綿延不止者。屬氣虛。宜補中湯。如過期而來者。火衰也。六味加艾葉。如脈遲而色淡者。加桂。此其大略也。其間有不及期。無火者。有過期而有火者。不可拘於一定。蓋此天疏稟。滋水爲主。隨證加減。

雄按婦人之病。雖以調經爲先。第人秉不同。亦如

其面有終身月汛不齊而善於生育者有經期極準而竟不受孕者雄於女科閱歷多年見聞不少始知古人之論不可盡泥无妄之藥不可妄試也辨色及痛

趙養葵曰衝任藏精系胞又恃一點命門之火爲之主宰火旺則紅火衰則淡火太旺則紫火太衰則白所以滋水更當養火甚有乾枯不通者雖曰火盛之極亦不宜以苦寒之藥降火祇宜大補其水從天一之源以養之使滿又曰紫與黑色者多屬火旺亦有虛寒而黑色者不可不察若淡白則無火明矣

沈按王宇泰以寒則凝既行而紫黑定非寒證然
投熱藥取效十中嘗見一二色白無火亦屬近理
然間有不宜補火者嘗見元和一婦經水過期十
日方至色淡穩婆據此投肉桂藥數劑經水過多
遍身發黃不能飲食身熱脈數竟成危候此是丹
溪所謂經水淡白屬氣虛一證要之臨診時須細
察脈象復參旁證方識虛實寒熱儻有疑似證中
有兩說者先用其輕劑如色淡一證先用補氣法
不效再投補火庶無差誤錄葉氏辨證于左
葉氏曰血黑屬熱此其常也亦有風寒外乘者十中

嘗見一二蓋寒主收引小腹必常冷痛經行時或手足厥冷脣青面白尺脈遲或微而虛或大而無力熱則尺脈洪數或實有力參之脈證爲的

雄按色淡竟有屬熱者古人從未道及須以脈證互勘自得但不可作實熱論而瀉以苦寒也更有奇者方氏婦產後經色漸淡數年後竟無赤色且亦結塊平時亦無帶下人曰疝羸余診之脈更數日苦而時有寒熱與青蒿白薇黃蘗柴胡當歸龍甲龜板芍藥烏鰂枸杞地骨皮等藥出入爲方服百劑而愈此僅見之證矣

校正廣驗
方用逍遙
散

滑伯仁曰經前臍腹絞痛寒熱交作下如黑豆汁而尺脈瀼餘皆弦急此寒溼搏於衝任寒溼生濁下如豆汁與血交爭故痛宜辛散苦溫血藥
杰按辛散血藥是川芎之類苦溫血藥是艾葉之類

李氏曰經水帶黃混濁者溼痰也

丹溪曰經將行而痛者氣之滯也用香附青皮桃仁黃連或用抑氣散四物加胡索丹皮條芩又曰經將來腹中陣痛乍作乍止者血熱氣實也四物加川連丹皮